




Das ander oder zweyte Buch die
 ses zweyten Theils / Herrn Caroli Ruini von Bono-
 nia / Von den Gebrechen der Pferde. So da ist
 vnd handelt:

Von dem Haupt / seiner Complexion / vnd allen
 Kranckheiten.
 Vorrede.

Dennach wir vns / großgünstiger Leser / vorge-
 nommen / in diesem andern Buch des andern Theils dieses
 ganzen Wercks / die jenige Kranckheiten vnd Gebrechen der
 Pferde / mit welchem fürnemblich das Haupt angefochten vnd
 eingenommen wird / zu beschreiben / sahe vns für gut vnd rathsam an / daß
 zu förderst vnd eher wir zu solchem vnserm Vorhaben schreyten / vermeldet
 würde / was es vmb sein / des Haupt vnd Hirns / Complexion für eine Ge-
 legenheit habe. Denn wer solches nicht weiß / der kan auch in der Sur set-
 ner / des Haupt / Gebrechen / im Grund nichts fruchtbarlichs austrichten /
 vnd weder die verlohrene Gesundheit widerbringen / noch auch die gegen-
 wertige erhalten / vnd vor künsttigem Anstoß bewahren.



Von dem Hirn / so einer recht oder mittelmässigen
 Complexion ist.
 Das erste Capittel.

Ist demnach dieses ein Zeichen einer recht vnd mittelmässigen Com-
 plexion des Hirns / wenn das Pferd ein wolgestalt / klein / nicht zu Fleischecht / sondern
 trucken vnd solch Haupt hat / so gegen den andern Gliedern zu rechnen / wol vñ recht pro-
 portioniert ist: subtile rane Rienbacken: von Natur wenig Hirn / so nit fast feucht sey / nach der
 Grösse des Leibs / vnd des Menschen seinem zu rechnen / gegen der Brust zu einen dicken / brey-
 ten / starcken / vnd nicht fast langen Hals: starcke vnd dicke Spann vnd Sehnadern / vnd ober-
 all Spannaderiche Glieder / Denn alle solche Stücke zeigen an / daß auch das Hirn stark / vnd
 einer guten Complexion sey / von wegen der Gemeinschaft / so es mit den gemeldten Stücken
 hat vnd helt. Item / die Augen sind ihnen anzugreifen fein warm / die Augbrawen grau-
 lecht / die Haar sonst schwarz / halb krauß vnd halb glatt: die Sinne / so wol die innerliche /
 als auch die eusserliche löblich vnd gut / die Bewegungen allesampt mittelmässig: das Pferd
 selbst von Natur fast gelahrtsam / so alles / dessen es vnterrichtet wird / bald vnd leichtlich fassen
 kan: der Vnrath des Haupt vnd Hirns beydes an der Qualitet vnd Mänge mittelmässig /
 vnd das Hirn selbst weder kalt noch warm / noch auch im geringsten zuseucht.

Von